



თქატარი სხოზრებამ

სათყვერთ სალიცრაცერთ "ქერნალი

ზაზათი, 3 ლვინობისთვი. № 40 — 1915

კონსტანტინე ბალმონტი

მიმავალი ქლანდობი

მე ოცნებით ვკრეფდი ერთად ლანდებს, მთისკენ მინაშურებს,
 ლანდებს მთისკენ მინაშურებს, ფერ დაკარგულ, ბნელი დღისას,
 სინარულით მიეყებოდი მოც ხცახე საფეხურებს,
 მოცახცახე საფეხურებს დიდი კოშკის სიმაღლისას.

და რაც ზევით ავლიოდი, უფრო ცხადად ირკვეოდა,
 უფრო ცხადად ირკვეოდა შემოხაზვა შორი გზისა,
 და რალაცა უცხო ხმები ჩემს გარშემო იბნეო ა,
 ჩემს გარშემო იბნეოდა ხმები მიწის, ხმები ცისა.

და რაც ზევით ავლიოდი, ანათებდა მეტად სხივი,
 ანათებდა მეტად სხივი შორს ამართულ მთის მწვერვალებს,
 და ნათება შორეული ვიო სინაზე ღვთაებრივი,
 ვით სინაზე ღვთაებრივი მიხარებდა დადლილ თვალებს.

ქვევით ღამე მილიოდა, ქვევით იყო ღამე ბნელი,
 ღამე ბნელი მოეფინა მიწას ძილის სიზმრით გართულს.
 ჩემთვის კიდევ ანათებდა დღის მნათობი საყვარელი,
 დღის მნათობი საყვარელი სცილდებოდა მთას ამართულს.

მივხვდი როგორ უნდა კრეფა ლანდებს მთისკენ მინაშურებს,
 ლანდებს მთისკენ მინაშურებს, ფერ დაკარგულ ბნელი დღისას,
 მე სულ ზევით მიეყებოდი მოცახცახე საფეხურებს,
 მოცახცახე საფეხურებს საოცნებო სიმაღლისას.

პაოლო იაშვილი



კ. დ. ბალმონტი

რუსეთის სახელგანთქმული მგოსანი. დღეს, 3 ლვინობის-
 თვეს, „არტ. თეატ“ დარბაზში „ვეფ. ტყ.“ შესახებ ისაუბ-
 რებს და „ვეფ. ტყ.“ რუსულ თარგმანს წაიკითხვს.

3 ლვინოზისთვე

ბაქოს ჩვენი ქვეყნის განაპირა ქართველობა ხშირად უფრო მეტს ცხოველ-მყოფელობას იჩენს, ვიდრე ლობა შუა გული...

ამის დამამტკიცებელია, სხვათა შორის, ბაქოს ქართველობა, რომელმაც არარაისაგან რამდენიმე საკულტურო საქმე შექმნა, აგერ ათი წელიწადია ქართ. დრამ. ხელოვნებასაც საძირკველი ჩაუყარა და მის საკეთილდღეოდ ბეჯითად მუშაობს: ადგილობრივ ბევრ ნიქიერ სცენის მოყვარის გარდა რამდენიმე დამსახურებული მსახიობიცა ჰყავს და ყოველწლიურად ახალ-ახალ პირს იწვევს რეჟისორად. ეს უკანასკნელი გარემოება კი თავდებია სასცენო ხელოვნების აღორძინებისა და სცენის მოყვარეთა განვითარებისა...

წელს ბაქოს დრამ. წრემ რეჟისორად მიიწვია ცნობილი დრამატურგ-მწერალი მსახიობ-რეჟისორი ვალ. შალიკაშვილი.

ეს კი იმის მომასწავებელია, რომ ბაქოელები წელსაც ხელოვნურად დადგმულ წარმოდგენებს იხილავენ, თუ სცენის მოყვარეთა დასმა ბეჯითი მეცადინეობით და წრემ—საქირო მოწყობილებისა და იდეური რეპერტუარის მიწოდებით რეჟისორს ხელი შეუწყოს...

იმედია, ბაქოს მუდამ ფხიზელი ქართველობა გულუხვი თანაგრძნობით მოეპყრობა სამშობლო ხელოვნების საქმეს და დრამ. წრეს წელსვე, ამ ათი წლის ნაყოფიერი მოღვაწეობის თავზე, შეაძლებინებს, საკუთარი თეატრის აგებას საძირკველი ჩაუყაროს.

ამ რწმენით მივესალმებით და უსურვებთ გამარჯვებას, როგორც რეჟისორსა და დასს, ისე ქართ. დრამ. წრესა და ბაქოს ქართველობას...

„ვინ ხართ—რომელი თვალხილული? არა რა გსურთ?“ ჰხედავს ჩვენი საზოგადოებრივ-ეროვნული ცხოვრების მოუწყობლობას, ვის არ განუცდია ჩვენი ხალხოსნური სევდა, იდუმალი თუ ცხადი დევნა შევიწროება, თანდათან აბუჩად აღება:

— ვინ ხართ, რა გსურთო?

და ეს მაშინ, როდესაც კარგად იციან,—

და თუ არ იციან, უნდა იცოდნენ,—ქართველი ერის სამი ათასწლიანი წლის ისტორიული ცხოვრება, საქართველოს წარსული სახელმწიფოებრივ-საზოგადოებრივი თუ საეკლესიო დამოუკიდებელი წყობილება...

ეს ერთი მხრით ჩვენი ბრალიცაა.

ჩვენ თითქმის ყოველთვის სხვათა კეთილდღეობას მტლად ვედებოდით, გზა და ხილად ვემსახურებოდით, თავს ვეველებოდით ფარვანასავით, საკუთარ მდგომარეობაზე კი ნაკლებ ვზრუნავდით და ჩვენს გაქვლევას თვითონვე უწყობდით ხელს...

რაც საქართველომ თავისი ბედი რუსეთს შეუკავშირა, მას შემდეგ მართებლობის წინაშე საქართველოს სახელით მუდამ ქართველი თავდაზნაურობა ლაპარაკობდა და ისიც არა მთელი საქართველოს სახელით, არამედ თბილისის გუბერნიის—ქართლ-კახეთის—ცალკე და ქუთაისის—იმერეთის—ცალკე... ეს დღესაც ასეა.. თავდაზნაურობა კი თავისი წოდებრივი თვისებით ისეთია, რომ რაც უნდა მარცხნივ გადახაროს, ვერასოდეს ვერ გადასდგავს გაბედულ ნაბიჯს...

და აკი ისე მიდის ეს მეორე საუკუნე, რომ მას ქართველი ხალხის უსაქიროეს მოხონილებაზე ერთხელაც არ დაულაპარაკნია ქეშმარიტი მოქალაქის ენით...

საბედნიეროდ ამას შემდეგ ასე აღარ იქნება...

ძველმა საქართველომ უკვე ფერი იკადა: ფეოდალიზმი დაირღვა, ვაჭრობა-მრეწველობა ფეხს იდგამს, მეურნეობა ფრთას შლის, საზოგადოებრივ ცხოვრების საძირკვლზე გამოჩნდა ახალი წოდება, თავდაზნაურობაზე ძლიერი თუ არა—არც სუსტი,—ესაა ვაჭარ-მრეწველთა, ქართველ შერეულ ინტელიგენციისა, ნაწილი საზღვდულოებისა, მუშა ხალხი და სხ., რომელსაც ქვეყნის სვე-ბედის მოწყობაში დიდი ზნეობრივ-ნივთიერი ძალა აქვს, მაგრამ-კი არაფერს ეკითხებიან...

უკანასკნელი ოცი წლის განმავლობაში

საზოგადოების ამ ნაწილმა წარმოშვა სხვადასხვა სოციალისტური ჯგუფები, რომელთაც ჩვენი ხალხის გათვითცნობიერებებს დიდი სამსახური გაუწიეს, არა თუ საქართველოსა და რუსეთში, ევროპაშიც საპატიო სახელი მოიხვეჭეს, მაგრამ ვერც ერთმა მათგანმა ჯერ კიდევ ვერ შესძლო სამშობლოს ყოფა-მდგომარეობის მოწესრიგებისათვის პირდაპირი და არსებითი მოთხოვნებიანი წამოყენებინა და სინამდვილეში განეხორციელებინა... თვითეთლის მათგანის საერთაშორისო მისწრაფება დიდად მოსაწონია, მაგრამ უმეტეს შემთხვევაში იგინი შორეულ მიზანს ისახავენ, დღეს-დღეობით კი მთელი საქართველო და მის მკვიდრთა ყოველი წოდების მდგომარეობა ხიფათშია: დიდი მამულები ხელიდან გვეცლება და უმეტესად უცხოთა ხელი გადადის, ანუ იჯარებით თუ სხვა რიკებით იქსაქსება, უმიწაწყლობით შეწუხებულ გლეხაკობას მოსული სჯაბნის, საქართველოს მუშა ხალხს შემოსეულ ნაკლებ კულტუროსანი მუშა ხელი ექიშვება შრომის ფასის დაწვეით, სავაჭრო-სამრეწველო დარგებშიაც ძლიერი იერიში მოაქვთ და იშვიათად ჰნახავთ დღესაც კი რაიმე დიდი საიჯარო საქმე ქართველს ჰქონდეს, არა იმიტომ რომ ქართველს შნო და უნარი არ შესწევდეს, არამედ უმეტესად იმიტომ, რომ სხვა ტომის ვაჟარ-მრეწველთა მოხერხებული ქსელებია გაბმული; ქართველთა სულიერი ავლა-დიდება განსაცდელშია; ქართველ მორწმუნეთა სარწმუნოებრივი გრძნობა შებლაღუღლია სამშობლო ეკლესიის დამოუკიდებლობის მოსპობით, მშობლიური ენა, თეატრი და ხელოვნება სიღუბეშია განიკდის და უცხოთა დარაზმული მძლავრი ტალღა წინ ეღობება ქართველთა ბუნებრივ და კანონიერ მისწრაფებას...

ვინ, ვინ იზრუნებს ამ ბედ-უკუღმართო მდგომარეობის შესაცვლელად?

— თავადაზნაურობა? —

— სოციალისტური ჯგუფები? — როგორც ვსთქვით, შორეულ მიზნისკენ მიუბჸრიათ მათ თვისი ყურადღება...

დღევანდელმა საერთაშორისო უმაგალითო ომიანობამ არა თუ უზარ-მაზარი ციხე-ქალაქნი დაანგრია, არამედ მთელი ათეული წლობით შექმნილი მოძღვრებანიც დაარღვია: ყველა ქვეყნის სოციალისტებმა ქურქი იცვალეს და იმ სახით წარუდგინეს კაცობრიობას, რანიც ნამდვლად არიან: „ჯერ თავო და თავო — მერე ცოლო და შვილოო!...“

და ნუ თუ ჩვენ-კი არ შევიგნებთ ამას? ცხოვრება ძალდატანებით გვიკარნახებს შევექნათ ისეთი კავშირი, რომლის მთვარი მიზანი იქნება იზრუნოს საქართველოს კეთილდღეობისათვის, ქართველი ხალხის დღემდე შენაძენ კულტურის დასაცავად, და ახალის მოაპოვებლად, მიწა-წყლის შესანარჩუნებლად და მთელი ქვეყნის წინაშე აშკარად წარსადგომად არა ქართლ-კახეთის ანუ იმერეთის თავადაზნაურთა მხრით, არა რომელიმე დასის სახელით ჯგუფური რეზოლიუციებით, არამედ მთელი ქართველი ხალხი — სსრულიად საქართველოს სახელით საყოველთაოდ გამოსაცხადებლად: ვინ ვართ და რა გვსურს?

როგორ უნდა ჩამოყალიბდეს ყოველივე ეს — ამაზე შემდეგ.

კასუსი

ქრისტესია დგებუაძისას

სტკბები ბუნებით, წალკოტს მჯდომარე, წყარო გაპკურებს ხანდისხან ცვარებს, შორს, შორსა ქრიან შენი გრძნობანი, ვრცელსა ბუნებას უშტერებ თვალებს, —

მე-კი მარტო ვარ, სულით ობოლი, არ მატკობს შენებრ ტურფა ბუნება, ბედმა მიმუხთლა და დამასენა, მარად ავად ვარ, არ მაქვს კურნება...

ხანდისხან გული განაღისდება, ავიღებ კალამს, ვიწყებ წერასა, მოზაგონდება ტკბილი წარსული და იმა ჰანგით ვიწყებ მღერასა...

იყო ის დროცა, როს დიდ კრებაში უჩემოდ ლხინი არ იქნებოდა, იქ ისწრაფოდენ, სადაც მე ვიყავ, მეჯლისის სიციცხლე ემატებოდა...

აწ დრო წავიდა, რაღა მომალხენს?
 მხოლოდ წარსული მიდგა თვალწინა;
 რაღა მომალხენს, რა გამახარებს,
 აწ სიხარულსა არა აქვს ბინა..

სისხლის ღვრა არის ყოველ მხარეზე,
 დედა შვილს ტირის, შვილი მამასა;
 რაღა მომალხენს, რაღა გვრჩენია,—
 ცრემლებით გოდებს ყველა ამასა.

ნინო ორბელიანისა

უფსკრულში

უფსკრული იყო ვიწრო, ბნელი, შვი
 ღრილო კლდეებით შემოზღუდული. შუა
 ღამის მორცხვი ვარსკვლავი თუ გაბედავდა
 ზოგჯერ ჩაებედა შიგ, თორემ სხვა სინათლის
 შუქი არ ეკარებოდა მას. გარშემო შემორ-
 ტყმული ჰქონდა ხელ-უხლებელი გაუვალი
 ტყე, რომელიც უფრო აბნელებდა უფს-
 კრულს.

როცა ქარი შესწყდებოდა, მასთან
 ტყეც უკლებდა შრიალსა და დუღუნს, უფს-
 კრულიდან მოისმოდა არეული ხმები: ტირი-
 ლი, კვნესა, ოხვრა და ამასთან ერთად ძლიე-
 რი ხარხარი.

— სინათლე გვინდა, სინათლე! — დრო-
 გაშოშვებით მოისმოდა ხოლომე იქიდან სუსტი
 ხმა, რომელიც ძლივს აპობდა სიბნელეს და
 იკარგებოდა ტყის ბურულში.

— გესმის, დედა, სინათლეს თხოულობ-
 ბენ? — ეკითხებოდა ყმაწვილი დედას.

დედა და შვილი იღვნენ უფსკრულის
 ბრზე და ყურს უგდებდნენ. შვილს ღამშარი
 ექირა ხელში.

— მესმის, შვილო, მესმის.. მაგრამ რამ-
 დენი მოსინათლე დაიღუპა აქ, რამდენი ღამ-
 შარი შთანთქა ამ წყევულმა სიბნელემ!..

— რა ვუყოთ მერე.. გზა დამილოცე,
 დედილო, გზა: მეც წავიღებ სინათლეს, მეც
 გავხდე ღირსი ვიყო ერთი მოსინათლეთაგანი.

— სინათლე... სინათლე! — გაიმეორა
 სუსტმა ხმამ.

და ამასთანავე შეარყია სიბნელე უცნაური
 ხარხარმა.

— როგორ თხოულობენ, როგორ სწყუ-
 რინთ სინათლის... მივდივარ, დედი!

— ჩადი, შვილო, ჩადი... დედა-შვი-
 ლობის მადლმა ხელი მოგიმართოს... კურ-
 თხეული იყოს გზა შენი... მხოლოდ... მხო-
 ლოდ, ეცადე თვით ჩაგრულთა შორის გა-
 მონახო და გააჩალო მიძინებული სხივები,
 შეკრიბო ერთად, და ეს დიდებული მნათო-
 ბი სვეტი დაამარცხებს უძრავს სიბნელეს,—
 სთქვა დედამ და ქვითინით ჩაჯდა ბუჩქის
 ძირას.

ის გარდაეშვა სიბნელის ზღვაში...

— ხა-ხა-ხა-ხა-ხა-ხა-ხა! — მოისმა ქვემო-
 დან..

გაბრიელ გოგუაძე

სახალხო თეატრის სცენის მოყვარე მ. ინაშვილი



სახალხო თეატრს, დღი-
 დან თვისა აღმოდინებისა,
 ე. ი. 1893 წ-ან, ბევრი
 თავგამოდებული მუშაკი გა-
 მოსჩენია, ბევრს მთელი
 ათი-ათი წლები მისთვის
 შეუწირავს სრულად უგროშ-
 კაშეიკოდ და სშირად თავი-
 სუფაღ დროს გარდა, ნივ-
 თიებად წახმარებია, მუდამ

უანგაროდ უწევნია სახალხო თეატრის სცენის
 მოყვარის მძიმე ჭანანი. ერთი ამათგანია, მანა-
 შვილი, რომელმაც 11 წ. შრომა შეიტანა სა-
 ხალხო თეატრის საღარბში. სცენაზე გამოვიდა
 1904 წ. შალვა დადიანის რეჟისორობის დროს
 აფხაზის აუდიტორიაში და რკინის გზის თეა-
 ტრში (უმთავრეს სახელოსნოს ახლო). ეოველს
 გამართულს წარმოდგენას გულ-მხურვალედ ეკი-
 დებოდა. გარდა ამისა მონაწილეობდა სხვა უბ-
 დების წარმოდგენებშიც: 1908 წ. მიწვეულ
 იქმნა აფხაზის სცენის მოყვარეთა ამხანაგობა-
 ში ე. ურუშაძის რეჟისორობის დროს. იმ დღი-
 დან მოკიდებული სშირად მონაწილეობდა რე-
 გორც აფხაზარში, ისევე ნაძალადეგში, მაგრამ
 იმისი მუდმივ ბინა იყო აფხაზის აუდიტორია,
 რკინის გზის თეატრი და ბოლოს ზუბადაშვი-
 ლების სახალხო სახლი.

გარდაიცვალა ჯერ სრულიად ახალგაზრდა 30 წ, მიწას მიაბარეს 22 ენკენ. და სასაღვსო სახ. წარმოდგენების გამმართველ წრის გამგეობაზე იმავე თვის 27 ნანაშვიდით გამოეთხოვა თავის საყვარელს სტენის მამაკეს.

საუკუნოდ იყოს სხენება შენი, ძვირფასო მეგობარო მიხეილ: გრწამდეს, რომ შენი სასკედიც აღბეჭდილი იქნება სასაღვსო თეატრის ისტორიის ფურცლებზე. **გიორგი ჯაბაური**

გოგოთური და მისი ცოლი

(დასასრული. იხ. „თ. დ. ც“ № 36-39)

ვ) გოგოთური თავისი სახლის ჭერქვეშ

ომის უამს ომი და ომის გარეშე მშვიდი შრომა და ჯანდონის გარჯა— შეადგენდა გოგოთურის ცხოვრების სტრუქტურას. ვაჟა ამბობს, რომ გოგოთურა

„შინაც ხომ ლქმად არ არი, მუშაობს, მიწის მხენელია. ამბობს: „ომის დროს ვიომოთ, არა (და)—ვიქნით ცელია, ნადელით, ნაყაჩაღარით კაცის დარჩომა ძნელია!“

შეშას თვით ზიდაფს ტუადამ: „ვეება ქანდარს აიღებს, წინ წკრად გაიდებს მხარზედა, ყალიონს პირით არ უშვებს, მიიტანს თავის კარზედა!“

თავისუფალს დროს ნადირობითაც გათული:

„ირმეზაც დაედევნება ყოფნის (გარჯა) გადამა კვალზედა.“

დეგბშირ გოგოთური მუსიკის და სიმღერის მოყვარეცა:

„შემოღამდება, შინ მოდის, ჩამოუჯდება კერასა, დაიწყებს შესაქცევადა დიდი ყალიონის წევასა, თანდურსაც (სიმებიანი საკრავი) ჩააყლარუნებს,

თითს აჩქამებს (ახმაურებს) ბერასა, ხანდახან დააბუბუნებს, ქერი იწყებს ნძრევასა,

თან ფებს დაუტყმს ვაჟკაცი, მიდამო იწყებს ნთქრევასა. (ნძრევასა).

ზ) გოგოთური და მისი ცოლი. მთიელთა შესხედულებით დედაცნს უყვარს უბედობა, გულის წადილის აჟოლა და სურს, რომ მისმა ქმარმა შეიძინოს სახელი. იმას არ დაგიდევს მტუენიას თუ მართალი სახელის შექენაში:

„თუნდ ხალხს სცარცვადეს შარასა. ცოლსაც სწყალობდეს, აცმევდეს, წითლის დარაის კაბასა“

ასეთი იყო გოგოთურის ცოლიც. ის ჩანდევდა თავის ქმარს გაიდექს სახლიდა მ:

„წადი, შენც ვინმე გასცარცვე, არ გინდა სარჩო ნეტარა?..“

მტერსა თავები გაბალთე, ხევსურთ დაადევ ბეგარა; ამბობენ აფშინაის ცხენს

ტანი სულ ვერცხლით ეფარა!“

გოგოთურის შესხედულებით ქალის საქმე (რამის და თოფ-ხმლის შესახებ ღამანაკვი:

„ის უნდა საჩეჩელს უჯდეს, ან არა—ქსოვდეს წინდასა.“

ჩემი ფრანგული (ხმალი) მტერსა ჰკლავს ძმაზე არა აქვს ხელიო!..“

თუ კი ავსული არა ხარ, ეგ საყვედური რა არიო!..“

ცოლი მისი შესინაშნავია ერთი მხრით: სურს, რომ მისმა ქმარმა შეიძინოს ქანება, სიმდიდრე. ის ეუბნება ქმარს:

„ლაშქრობამ რა მოგიტანა, ტანზე წყლოლები მეთია.“

მარტო სახელი რას გიზამს, თუ სარჩოც არა ხვეტეა?!“

მთიელის ცოლს ამოქმედებს სადი, მანქტიკულა მოსახრება, რეალური საჭიროება. ასეთი თვისება შეჩენია დღეს ქრთლ-კახეთის ქარდს, რომელიც ქმარენაკლებ გამფლანგავია, ნაკლებაბუჟა მას აქვს წინდა თვის ქმრის—ნივთიერი გასაღებების სახსრის მოსაპოვებლად. მართალია, გოგოთურის ცოლის მიერ ჩაჩენები სასხარე (ცარცვა) უზნეოა, მაგრამ ჩვენთვის ეს მხარე კი არაა საინტერესო, ანამედ ის, რომ ქართულ ქალში ძლიერია სურვილი ქმრის ნივთიერი გადხიერებისა. დრო მ ვა და შეიძლება ჰაზრი სახსრის შესახებ, და ამ სახარს ექნება

ზნეობრივი ელფერი (ცაისუნეთ ოთარანთ ქერი-
ვი). გოგოთური ქართველი რაინდია, სასკელმა-
ძიბეული, მამულის დამტყველი. ვაჭრობისა და
მრეწველობისთვის არ სცადია... სწუერთა ომი
და ომს გარეშე მისდევს მიწის სენას და ნადი-
რობას... დღესაც კარგია ჯანის სისადე, არა
ნაკლებ კარგია გმირობა, მაგრამ მარტო ამით
ქართველი შორს ვერ წავა. მისთვის საჭი-
რია ცხოვრების სხვა ფაქტორებიცაა ვაჭრო-
ბა და მრეწველობა რაიც მას მისცემს ცხოვრე-
ბის არსებობას გაუმჯობესებს, გაუფართოებს სო-
ფელ-მხესველობას და ნიადაგის ისტორიისა მას
ვგრას დააკლებს. ეს შეიძლება მხარე ცხოვრებისა,
მეტად მნიშვნელოვანი, ვაჟის ნაწერებში ნაკ-
ლებ უზრუნველბას იქცევს. ცხადია, ვაჟს-ფშაველას
რომანტიკოს-იდეალისტია, მისი „პოეზია ქართუ-
ლი რომანტიზმის უკანასკნელი ამოძახილია...
ნივთიერ სახისარ მკალებული ვრი, რაც უნდა
კეთილ-შობილურ მისწრაფებით იყოს გამსჭვალ-
ული, ვერაფერს მოაგვარებს თავისთვის...
სწორედ ამ შეიძლება მხრით საუბრადღებო არის
ბ. წერეთლის „პირველი ნაბიჯი“, ილიას:
„ოთარანთ ქერივი“ და ევდემიანის პოეზია.

ვაჟა ფშაველას გმირები.

ვაჟა ფშაველამ, როგორც, რომანტიკოსმა,
თავისი გმირები აღმოაღო საქართველოს წარ-
სუდიდამ, როდესაც მის ცაზე თავისუფლების
მზე ანათებდა. ეს გმირები მთების შვილია...
მთიელნი ნაკლებ განიცდიდნენ სხვა და სხვა
კულტურის გავლენას.. მათი ხასიათის უმთავ-
რესი ნაკვთები შეუცვლელი რჩებოდა. ბარის
ქართველთა უმთავრესი ღირსებანი — მთიელთა
შორის უმაღლეს წესტილადმის იყვნენ განვითარ-
ებულნი. მეოცე საუკუნეში მთიელთა წარსული
დროის გმირების დასურათსატება ვაჟის მიერ
შეიძლება ზოგიერთს უჩვენოს არა სასურველ
მოვლენად... შესაძლოა ზოგმა სთქვას, რომ
ეს გმირები ნაკლებ პრაგმატიული ჭარბან, ხე-
რისინი მისაბამის მაგალითებად ვერ გამოგვადგე-
ბიან. ეს მართალია პირველი შესვლით. მაგრამ
თუ დავაკვირდებით უფრო ღრმად, ვაჟის ძველ
გმირებში ძლიერი სული ტრიალებს, დონი-
რი მაჯა სცემს, კეთილშობილური გული სძვკერს.
მათნი მისწრაფებანი უმაღლესის კეთილშობ-
ლიურნი არიან, მისაბამი კულტურით თავმო-
-

წონე დღევანდელ ქართველთათვის. ცხერის ტყა-
ვით მასილი და წულა-ქალამნიანი მთიელი ამ
საკითხში კულტურისანი ქართველის მოძღვარი
სხანს. მას უმოდდვრებს სივარჯატეს, გაჯანსა-
ღებას, სამშობლო მიწის და თავისუფლების
სიუფარულს, სიამაყეს, თავმოშწონებას, მონ-
ბის წინაშე ქედმოხსრელობას... საქართველოს
პოლიტიკური ბედის ცვლილებამ შეცხნამეტე
საუკუნის დასაწყისში ღრმად დაადღა მთიელნი,
მაგრამ ვერ მოუკლა მათ ტრფიალება თავისუფ-
ლებისადმი. დღესაც მთიელი გულ-მაგარი, მე-
დიდურად სდგას თავის ადავს და იმედით შეს-
ტქერის ცას... ის ნაკლებ გადასწავრებულია
უკუღმართი დროის სელით, ნამდვილი ძველი ქარ-
თველია რომლის სადი მსჯელობის და დავისუფ-
ლებით მისილი სოფელმხეველობის საძირკველზე
უნდა აშენდეს საქართველოს შეობადის შენობა... ამ
მხრით რომ განვინკვით ვაჟს: გმირებს აქვს
საადმზრდელო მნიშვნელობა იმ ქართველთათვის,
რომელთაც უკუღმართმა დრომ თავისი განმათხ-
სირებელი დადი დასწვა. ვაჟა ფშაველას ნაწერთა
კითხვის ქამს მკითხველი ტრიალებს ქართულ
მიწა-წვადზე, ქართულს ჭკერს სუნთქავს, ქართულ
სურათებს ჭხედავს, ქართულ ბუნებას სჭვრეტს,
ქართულს მსჯელობას და საუბარს მოისმენს
რის შეიხებოთაც მის სულს შექძინების ქართუ-
ლი განუფთვლება და მისი ჭკუა ქართულად
მსჯელობს, ჭასრფერობს და სიებობს...

ილ. ფერაძე

ცოდვამ უწია!...

სალამო ხანი იყო...
 უცებ ჩვენი მებობლის ეფემი ს წიოკობა
 უგომომესმა: — „აი მიწა ვაგისკდეს“ და ჩაგრი-
 ნოს, შე გაუმაძღარო, ქვრივობლის ცოდვის
 მზიდველო!...“
 — წლტუო რა გეცლია, ნათლია დი-
 მიტრი, მითომ რა იქნებოდა! მაინც ხომ
 ხელში გიჭირამს. — მოისმა ვილაცის ხმა.
 — გეცლია რომელია, კაცო? — იყო პასუ-
 ხი — ამ ერთ თვეში თუ სამისი თუმანი არ
 ჩაუთვალე ჩემ სიძე-ბატონსა, ქალზე ხელს
 იღებს, ხელს, იცი თუ არა?

—ქალი შენ და წითელი ქარი, შე კომლოს ამოსაწყვეტო: ჩემ გასათხოვარ ქალებს რაღა პ.სუხს აძლევ? წიოკობდა ეფემია.

მე გადავიბრინე, ეფემიასთან, რომ ჩხუბის მიზეზი გამეგო. გადაველ და ის შენ მტერს, რაც იქა ვნ.ხე. სასოწარკვეთილ ეფემიას გარს შემოხვეოდა მისი სამი ქალი და, თათქოს გაქვავებულანო, ხმას ვერ რღებდენ.

—რა დაგემარაოა, ეფემია, რა მოხდა,— ვკითხე.

— ეჰ, რაღა რა მოხდა, ჩემო ნინო,— მომიგო: აგერ შამშილი მომდგომია, ზამთარი კარს მირაკუნებს, ცალა ბისტი არ გამაჩნია, ჰური არ მაქვს, შეშა და ტანთ-საცმელი, შვიდი ჩაფი ღვინო იყო, იმით უნდა გამომეკვებნა შვილები მთელ წელიწადში და ის უკანასკნელი საზრდოც გამომტაცა ხელიდან იმ წყეულმა, საწყალი ხალხის მყვლეფავმა...

— ვინა, ქალო?

— ვინა და—ი ჩენი სოფლ-ს სვავმა, სულწაწყმედილმა დიმიტრიმ. პრ-ტავი მოიყვანა და რაც კი გვებადა—აგვიწერა, ჩვენ კი თვალ-ნაცრებიანი დაგვყარა... ნეტა მიცემული მაინც არა-მქონდეს: ბარე სამჯერა მაქვს მოშორებული... ღმერთო, შენ მოსპე ქვეყანაზე დიმიტრი და მისი ცოლშვილიმც მენახოს ჩემ დღეში...

იწყევლეოდა ეფემია, საშველად ღმერთს იწვევდა მაგრამ დიმიტრის პასუხს მომთხოვია არავინ იყო: არც ღმერთი, არც ხატი, არც მამასახლისი... ეფემიას შიოდა თუ სციოდ, დიმიტრისთვის ერთი იყო, ოღონდ თავისი ჯიბე გაეტენა, რა გზითაც უნდა ყოფილიყო. ბერს, ძლიერ ბევრს ეფემიასთანას აატირებდა ხოლმე ყოველ შემოდგომაზე: საიზაც გაივლიდით, დიმიტრისადმი წყევლა-კრულთვა გესმოდათ, მაგრამ ის ბაი-ბუთაც არ იმჩნევდა.

II

ვინ იყო დიმიტრი?

იგი სოფლის ერთი უსწავლელი გლეხი იყო, მამა-პაპისა ბევრი არაფერი დარჩენოდა, მაგრამ თავის მოხერხებით იმდენი შეეძინა,

რომ მთელ სოფელში პირველ ოჯახის შვილად შექმნილიყო. სხვა გლეხებივით დღე-ღამე ოფლის მოწურვით კი არა შრომობდა, არა! ორიოდ მოგროვილ გროვების გასესხება დაიწყო, მალე თანხა გაჩინა, თუმანს ათხუთმეტ შაურად ასესხებდა, თავნს სარგებელს აკეცდა, თანაც წინესტოიკებს უწერდა საწყალ გლეხებს და უკანასკნელ ლუქმას სტაცებდა. მართალია, გლეხი იყო, მაგრამ სქელ ჯიბეს უკეთე მებატონედ შეექმნა და თამასუქებით სოფელში ყველა ყმად გაეხადნა: როგორ იქნებოდა, რომ სარგებლისა და თავნის აღების გარდა, ყველა მოსახლე გლეხი ვენახში, ყანაში ანუ სხვა საქმეზე წელიწადში რამდენიმე დღე კიდევ არ ემსახურებინა! ყავდა კაი ცხენი, ხან აღმა დადიოდა, ხან დაღმა და, ამა სოფლის ბოზობლეთან დაახლოვებულა, თავის მოძმე გლეხებს მედიდურათ დაჰყურებდა.

დიმიტრის ორი ქალის მეტი არავინ გააჩნდა.

თუმცა თავის ძუნწობით ქალებს სწავლავანათლება ვერ მიაღებინა, მაინც უფროსი ქალი ერთ კულა-აზნაურს მიათხოვა, გაატანა ბლომა ფული და მზითე-ვი თავი იმით უფრო ესახელებოდა, რომ სიძეს ათ-ათ თუმნიანები ჩაუთვალა... ახლა მეორე ქალს ათხოვებდა ქალაქს, ჯადგანაც მაშომ მტკიცედ განაცხადა მე კაკარდიანი ქმარი შეიმფერის, სოფლელა ოტროველრა ჩემი საქმროა. დიმიტრიც დაჰყვა ნებას. ვილაც უცხო ტომის კაკარდიანი და ბქყვრილა დილეგიანი სასიძო მოუყვანეს და დაარწმუნეს: დიდებული ვინმე, კაი სამსახურის კაციო... დიმიტრიმ ჩაუთვალა სამასი თუმანი და გადაიხადა სხელოვანი ქორწილი, რომ ყველას დახსოვებოდა.. ნასიამოვნები იყო დიმიტრი, მაგრამ ხანგრძლივ-კი არა...

III

ერთხელ დიმიტრიმ მაშოსავან შემდეგი წერილი მიიღო: „ჩემო ძვირფასო მამა, გთხოვ ჩქარა მომხედო, თორემ საქმე ცუდათ არის. მიშა მუდამ ლოთობს, ვილაც ქალებს აჭყვა, ღამე გვიან მოდის. დღე არ გავა რომ არა მცემოს ხოლმე... ჩამოდი, თორემ მერე გვიან იქნება.“

შენს მტერს, რომ დიმიტრის წელი მოსწყდა.

თურმე კაკარდინი სიძე, რომელიც თავიდან-ბოლომდის ბჭყვრილობდა, ვილაც ცულლუტი პატარა მოხელე ყოფილიყო, ამსახურიდან გამოგდებოდა. დიმიტრის სამასი თუმანი ნენელა გამოეიღნა ბანკიდან და, როგორც მშვიერ თავის შენახული ნიგოზი, შეექამა. დიმიტრი რომ დარწმუნდა—ალარ არის ბანკში შეტანილი ჩემი ქალის ფულე-ბიო, თითქოს ტყვიით გაუგმირეს გულიო, მუხლი მოეკვთა, წელში მოიღუნა, ღარღით და ბოღმით აივსო.

— ვინ, ვინ გამოიმკრა ყელი? როგორ გაბედეს და ზნე-დაცემული კაცი შემამატყუეს!... განა იმიტომ დავლუბე ამდენი ხალხი, რომ ვილაც საღახანას გაეფლანგა ასე წვა-დაგვით ნაშოვნი ფულიო?!—ჩინოვნიკი მინდაო,— ეგეც შენი ჩინოვნიკი, გაბრაზებულმა დიმიტრიმ ქალს უსაყვედურა, მაგრამ მერე თითონვე ინუგეშა თავი:

— მტერს მაინც არ გავაზაღებ, ვეცდები ისევ დავიბრუნო ჩემი ფულეებო,— დიმიტრიმ დაიწყა ვაქრობა, შუამხანაგდა მიკიჩა მიკიტანს, მაგრამ ამხანაგმა მალე ცალიერზე დასვა, დიმიტრიმ ბოღმას ველარ გაუძლო, უღმობელმა სიკვდილმა ჩქარა გამოასაღმა

წუთისოფელს, და მისი ნაოხარი დარჩენილი ქონება უფროსმა სიძემ მიითვსა, მით უმეტეს რომ მეორე სიძე ამ დროს ცმბირს იყო გადასახლებული ერთი გარყვნილი ქალის გაცარცვისა და მოკვლის გამო...

დარჩა უმწეოდ მაშო, უსწავლელი და უქანელი; ხშირად შიმშილით კუჭი ეწვოდა, სოფელში-კი წასვლას ვერ ბედავდა ერთდებოდა, მაგრამ მეტი გზა არ იყო: მეტის-მეტმა სიღარიბემ სამშობლოსკენ დააბრუნა.

ერთხელ მაშო სოფლისკენ მიდიოდა დაღონებულ-დაძმარებული. ეფემიამ რომ დაინახა თავის ამნიაგებლის ქალი, პირიქით შეიბრაღა:

— უბედურს ცოდომ უწია, ნაარმევი არ შერჩაო, ჩაილაპარაკა.

სოფლის ახალგაზდა ბიჭებმა კი მთ დამწუნებულ მაშოს ლექსი გამოუთქვეს და ფანდურზე დამღერენ ხოლმე:

ფულით მდიდარს, გულით ღარიბს.

არ მოსწონდა ტეტია.

ჩინოვნიკი შეირთო,

მითომ გლეხზე მეტია,

ახლა ზის და თვალებს ითხრის,

თავს ესხმება რეტია;

ვი ვინცა მალდა ჰფერენს,

ძირს ვერ დაუხედია...

ანნა ვენეცკისა

* * *

უკანასკნელი ყვავილიც კი თავს ხრიდა დაბლა, ნიაფი ფოთლებს უამბობდა ქვეყნის სიავეს; სული ობოლი მისტროდა შორეულ წაჩსუღს, ველარ იტევდა, მახსოვს, გული სევდას და ნალვეს...

რასაც ვეტრფოდი, სამუდამოდ ჰქარგავდა ნდობას, აღარ ვუყვარდი წუთის სოფელს, ბედ-დაკარგული; უღვთოდ, უმიზნოდ, მწარე გესლით სწამლავდნენ გრძნობას...

ო, რომ იცოდეთ, რა საშინლად მტკიოდა გული!..

ქნარი



სათინიკი "აღაშიანი" (1895-1915) სომეხთა უმაღლესი განათლებით აღჭურვილი ცნობილი მსახიობქალი, დაიბ. 1895 წ. 17 ენკენ. თბილისში გარ. წელს, ივნისის 17.



ილია ჭავჭავაძე (ახალგაზრდაობაში).
 „ვიდექ შარტოკა... და მთების ჩრდილი კვლავ ჩემ ქვეყნის ძილს ეალერსება,
 ოხ, ღმერთო ჩემო! სულ ძილი, ძილი, როსლა გვეღირსოს ჩვენ გაღვიძება?!...“

ბელნიერი დღე

(გაგრძელება. იხ. „თ.“ და ტ.“ 39)

II

კოტე, გიორგი და სანდრო
 (შეშადაან შარტხით)

კოტე (ძლიერ დაღონებული, გახურდება და ათვალიერებს) ჯერ არავინ მოსულა ეგ კარგია, კოტას დავისვენებ. (სანდროს და გიორგის) რამდენი რამ გადახდა თავს და ჩემს გულს შიში არ უგრძენი, დღეს-კი რაც სხვანაირათ ვგრძნობ თავს, თითქოს მეშინია კიდეც.

სან. (ღიმილით) რაფერია, გაივლის. ეგრე უცის როცა რაიმეს მოელი და ეშხადები.

გიორ მე დარწმუნებული ვარ შენი ტყვია არ ასცდება აპოლონს.

კოტე (მწარე ღიმილით) კარგი დაგემართოს, მაგრამ ვაი თუ აპოლონმა ჩემზე უკეთესის სროლა?!
სან. (სიცილით) ვინა? აპოლონმა? ისეთი კაცი ჩემ სიკოცხლეში არ მინახავს. ჯერ თოფი ხელში არ აუღია, გასროლაც არ იცის.

კოტე. ეს შეიძლება მართალი იყოს! მაგრამ ისიც შესაძლებელია, რომ ამ ერთ კვირაში მან მშვენიერი სროლა ისწავლა და მისი ტყვია ჩემი ხვედრია დღეს.

სანდ. ყველაფერი შესაძლებელია, მაგრამ ეს კი არა.

კოტე. (გამათრთოვებს დამახას სანდროს და უმიზნებს) ეს ოხერი თითქოს სულ დამავიწყდა სროლა. რაც სამხედრო სამსახურს თავი დავანებე, ოცი წელიწადი იქნება და მას აქეთია ამ ოხერ რედაქციაში ვზივარ. სულ ყველაფერი დამავიწყდა.

გიორ. სანამ არ მოსულან, შეგვიძლია ვივარჯიშოთ.

კოტე. ეგ ძლიერ კარგი იქნება. (იხდის სერთუქს. დამახას ხელში უჭირავს. გულზე ხელს დაიდებს) ვერ წარმოიდგენო როგორ მიღრინავს ეს ოხერი გული.

სანდრო (გაჭაფრებით) ერთი შენც და-
გიჟინია გული და გული, ისტერიკა არ მო-
გივიდეს, ვაჟაკი არა ხარ? რამ შეგაშინა?
(მიდის მეორე მხარეს და დაუდგება წინ)აი, მე
აქ დავდგები და შენ დამიმიზნე.

გიორ. (გაჩურდება შორი-ახლოს) სანდრო
ნიშანს მოგცემთ.

კოტე. (წელში გაიმართება, ასწევს დაშხა-
ხას და უმიზნებს. ჩქარა ისევ ჩამოუშვებს ხელს)
ეს ოხერი ხელი როგორ მიკანკალებს.

სანდ. (გაჭაფრებით) მიკვირს ღმერთმანი
რა მოგდის დღეს. თუ ასე დაიწყე, უთუოდ
აპოლონის წერა გახდება.

კოტე (გიორგის და სანდროს) იცოდეთ,
თუ მოვეცდე, გაზეთი სხვას არავის გადასცემთ,
არავის ჩაუგდოთ ხელში, თქვენ ორთავემ
მოუარეთ. ეს არის ჩემი ანდერძი სხვა არა-
ფერი.

გიორ ფიქრი ნუ გაქვს, გაზეთს ჩვენ
არავის დავენებებთ.

სანდ. ცოცხალის თავით არავის დავანე-
ბებთ!

კოტე აბა, დავიწყეთ. (ასწევს დაშხა-
ხას და უმიზნებს დიდხანს ზირს გვერდზე შიბრუ-
ნებს და ნელის სმით ამბობს) ჩემი ბიძის, იმ-
რინავს უგზო-უკვლოდ ჩემი მერანი... (ოთხი
სტრაქონი)

სან. რას ამბობ?

კოტე. არაფერს. (უმიზნებს ისევ და გა-
ნაუკმობს "მერანი"-ს კითხვას) ჩგ-სწი მერა-
ნო, შენს ქენებას არ აქვს საზღვარი დანიავს
მიც ფიქრი ჩემი შავად მღელვარი.

სან. (გაჭაფრებით) რას ამბობ, რას? მე
მეკითხები რამეს?

კოტე. არა. (ჩამოუშვებს დაშხა-
ხას)

გიორ მე ხომ არაფერი მკითხე?

კოტე. არა.

სანდ. (გაოცრებით) მაშ ვის ელაპარაკები?

კოტე ჩემთვის ელაპარაკობ.

სანდ. როგორ თუ შენთვის?

კოტე ბარათაშვილის "მერანი" ვკითხუ-
ლობ. ნიკოლოზ ბარათაშვილი ჩემი სათაყვა-
ნებელი პოეტიკა, მე ის ძლიერ მიყვარს. მისი
"მერანი" ამ ქვეყნად ყველაფერს მაგიწყებს.
როცა მას ვკითხულობ, ასე მგონია ამ ქვეყ-

ნად არა ვარ და სადღაც შორს მიმაფრენს
ჩემი რაში.

სანდ. (ღიმილით) პოლო, ვგ ძლიერ კარ-
გია, ასეთ ტრადიკულ მდგომარეობის დროს
ძლიერ კარგია ყურადღების სხვა რამე სა-
განზე შეჩერება და სინამდვილის დავიწყება.
აბა განაგრძე.

კოტე (უმიზნებს) ჩგ-სწი, მერანო...

გიორ. ერთი!

კოტე. "შენს ქენებას არ აქვს საზღვარი."

გიორ. ორი

კოტე (უმიზნებს და ცხცხებს) ჩგ-სწი
მერანო!

გიორ. სამი!

კოტე (დააცემინებს ჩახხახს) მგონია კარ-
გი იყო.

სანდ. (სიცილით) ყოჩაღ! ყოჩაღ, ჩემო
კოტე. გეტყობა გამოცდილი მსროლელი
ხარ. სწორედ მუცელში მიმიზნებდი.

კოტე (მწუხარებით) მე მგონია ავაცდენ.
ეს ოხერი ხელი მიკანკალებს.

სანდ. მაგრათ დაიქი, მაგრად!

კოტე. (უმიზნებს) მაგრათ მიპირავს,
მაშ რა ოხრობაა. (ამ დროს შემოდის ამ-
ლან, ილარიონ და მეორე სეკუნდანი. ამოლო-
ნი გზაში ელაპარაკება ილარიონს)

III

კოტე. გიორგი, სანდრო, აპოლონ, ილა-
რიონ და მეორე სეკუნდანი

აპოლ. (კოტეს და მის ამხანაგებს ვერ
სედავს) ჩემს დღეში არც თოფი და არც
რევოლვერი ხელში არ ამილია. არც კი ვი-
ცოდი გასროლა. (დაინახავს კოტეს და შეკრ-
თება. უკუაწინ გაჩურდებიან. ილარიონ და მეორე
სეკუნდანი მიუდგენ და ხელს ჩამოართმევენ
კოტეს, გიორგის და სანდროს, სანდრო და
გიორგი ამოღანს. კოტე და ამოღანი ოფი-
ციალურად შორიდან დაუქნევენ თავს ერთმანეთს.
კოტე ხანს სეკუნდანტები რადანაზე ჩუმად და-
პარაკობენ, შემდეგ წინ წამოადგება სანდრო)

სანდ. (მიმართავს ამოღანს და კოტეს)
ბატონმა კოტემ პირად შეტრაცხოფისათვის
ბატონი აპოლონი დუელში გამოიწვია, ფორ-
მალურად ყოველივე შესრულებულია. ორი-
ვე მოწინააღმდეგე პირის პირ დგანან, მხო-

ლოდ დამბაჩების გასროლა აკლიათ, რომ ერთ-ერთს მზე დაუბნელდეს, როგორც ერთი ისე მეორე ძვირფასია ჩვენი საზოგადოების და მთელი ერისათვის. ერთ-ერთის დაკარგვა აუნაზღაურებელი დასაკლისია, ქართული ლიტერატურის, ქართული ხელოვნების, ქართული ცხოვრების, ოჯახისა და მთელი ერისთვის. ჩვენ მოწმენი ვიქნებით ამ საზარელ ტრადიციის, აზიტომ თვითოეულ ჩვენგანს ვაღია ვეცდეთ თავიდან ავიცილოთ ეს მოულოდნელი უბედურება წინადადებას აძლევთ, ნუ მოახდენთ სისხლ-ს ღვრას, თავი დაანებეთ დუელს და შერიგდით. (ყველანი კოტეს და ახლანს მისჩვენებენ)

ილარ. რას იტყვი თქვენ, ბატონო კოტე?

კოტე (უარის ნიშნად თავს აქანებს)

ილარ. არ გსურთ შერიგება თქვენა აპოლონ?

აპოლ. (უფემანაბს, მაგრამ ბოლოს თავს გაიქნევს უარის ნიშნად)

სანდ მაშ გადაწყვეტილია. უნდა მოხდეს დუელი, საერთო გადაწყვეტილებით სროლა უნდა მოხდეს ათი ფეხის ნაბიჯზე, ისვრიტ დამბაჩებით. (სეკუნდანტები სინჯავენ დაშპანებს. შემდეგ გიორგი ერთ დაშპანს კოტეს მისცემს და შეორეს ახლანს. გაზომავს ათი ფეხის ნაბიჯს და დააქნებენ ერთავენს

პირდაპირ). მაშ მოემზადეთ! ნიშანს მოგცემთ ნიშანი იქნება „რაზ, დვა, ტრი“, მესამეზე უნდა ესროლოთ ერთმანეთს. მოემზადეთ (კოტე და ახლანი სიშინლად ცახცახებენ და წელში იმართებიან)

გიორ. (დადგება შუა ადგილას, დაჩანჩები ერთად დგანან და თვალურს ადვენებენ კოტეს და ახლანს) დაუმიზნეთ! (კოტე და ახლანი დაშპანებს დაუმიზნებენ და ერთ და იმავე დროს დაშპანებენ)

აპოლ. (ახლად ცახცახებს, პირს მარცხნივ შიბრუნებს და კანკალოთ აშბობს) „იყო არაბეთს როსტევან, მეფე ღვთისაგან სვიანი, მალალი, უხვი, მდაბალი ლაშქართ მრავალი ყმიანი“.

კოტე (ამავე დროს თავისთვის დაშპანებს და უმიზნებს, პირი მარჯვნივ აქვს შიბრუნებული) „მირბის, მიმდურენს უგზო უკვლოდ ჩემი შერანი, უკან მომხაზის...“ ში ში! (დაავიწყდება) ოხ! ღმერთო რა დროს დამავიწყდა. (ბუტბუტებს)

გიორ. (ხმა მადლა უვარის) „რაზ!“ (ახლანი და კოტე უფრო ცახცახებენ და სხსხს სხუხით იმეორებენ ღექსებს)

აპოლ. „იყო არაბეთს როსტევან“ და სხ..

კოტე. „გასწი, შერანო შენს კენებას არ აქვს საზღვარი და ნიავს მეც ფიქრი ჩემი შავად მღელვარი“.

3. ირეთელი

(დასასრული იქნება)

თბილისს

(უძღვნი ქართველ მოწინავე პირებს—ინტელიგენციას)
 თბილისო, გახდი ახლა ჩემთვის დედინაცვალი და შეასვი შხამ-ნაღველი, უზომო, მწაი...
 თუმც ასეა, ჩემო თბილისო, მაინც მიყვარხარ, — წინსვლა გეტყობ: გარეგნობით, შაგნით კი ყარხარ! შემოხიზნულთა ნამდვილ დედად — მეგობრად ქმნილხარ, ზოგიერთი დევ გმირე ის ბრძოლის ველი ხარ...
 აიშლენ ძე ლეზურად ქართველთა ძენი: ერთობის ნაცვლად გაგვიშპარეს ცხოვრების დღენი. გახშირეს ერთმანეთში მტრობა და შური, — თავი მოსწონთ, — მათ ჰგონიათ ეს სამსახური.
 ვინ ვის სჯობსო, დღე ყოველ ამას ცილობენ, მშობელ ქვეყნისთვის არა სწუხან, არას ფიქრობენ! ვერა ხედავენ, რას განიცდის დღეს ჩვენი ერი, — კარზე მოგვადგა უთვალავი, ურიცხვი მტერი!
 მსურთ რომ წაგვართვან: — ცა ფირუ-ზურმუხ იმხარე, დღეს ამას ესტირ, ამაზე ვარ მეტად მწუხარე...

ვასილ კირვალიძე



ვას. ვიორ. შითლანაძე
 დაქრილია და ტყველ წყ.

მსახიობი და მისი ამპლუა

ბევრისაგან გამიგონია: მსახიობმა, განუ-
რჩევლად—ყოველგვარი როლი უნდა შეა-
სრულოსო! შე ეს ყალბ და მასთან დაუფი-
ქრებელ აზრად მიმაჩნია. ბევრს რეჟისორსაც
უთქვამს: ამ მსახიობისთვის ამპლუა არ არ-
სებობსო!

დიად, - ამპლუა არ არსებობს და არც
უნდა არსებობდეს! მხოლოდ ეს იმას კი
არ ნიშნავს, რომ მსახიობს შეეძლოს ყო-
ველგვარის როლის შესრულება. ნამდვილ
მსახიობს არა აქვს ამპლუა, მას აქვს მხოლოდ
აღლო და ტემპერამენტი. ამას გარდა მის
აღლოსთან და ტემპერამენტთან დიდი დამო-
კიდებულება აქვს თვით მსახიობის ინდივი-
დუალურ თვისებას, მის პსიხოლოგიას. მსა-
ხიობმა შეიძლება მშვენივრად შეასრულოს
ორი მოპირდაპირე, კონტრასტიული პიროვე-
ნება, იქნება იგი გმირი არშეყის, ნევრასტე-
ნიკის, ფატის თუ რეზონიორის როლი, მა-
შინ, როდესაც მსახიობის აღლოს, მის ტე-
მპერამენტს შეეფერება და შეეთვისება გან-
სასახიერებელი რომელიმე ტიპი. შეიძლება
ეს ზოგიერთებმა მსახიობის კაპრიზად, მის
მოწონება-დაწუნებად ჩასთვალოს, მაგრამ ეს
სრულიად სიმართლეს მოკლებული იქნება.
აქ არავითარ როლს არ თამაშობს არც მსა-
ხიობის კაპრიზი და არც მისი როლის და-
წუნება და მოწონება. აქ დიდ როლს თამა-
შობს თვით მისი ინდივიდუალობა, მისი მი-
მართულება, თუ იგი რა ტიპის მსახიობია!
ავიღოთ მაგალითად მსახიობნი ვლ. ალექსი-
მესხიშვილი და ვასო აბაშიძე. ორივენი მა-
ღალ-ხარისხოვანი მსახიობნი არიან, დიდი
ტალანტის პატრონები. პირველი ბუნებით
საუცხოვო ტრაგიკია, მეორე კი საუცხოვო
კომიკი. მიეცით ვლ. ალექსი-მესხიშვილს
ბესოს ან საქოს როლი, ხოლო ვასო აბაში-
ძეს ჰამლეტი ან ურიელ აკოსტა! თუნდა
ამისთანა მაგალითი: ნ. ჩხეიძე გამოიყვანეთ
ხანუმაში, ელ. ჩერქეზიშვილი კი შარგარტა
გოტიეში! რას ბრძანებთ ამაზე? შესაძლოა
რომ მსახიობმა ყოველგვარი როლი შეასრუ-
ლოს?! რას ვნახავთ ჩვენ, თუ არა წმინდა

კარიატურას და ხელოვნების პროფ. ნაციას?!
ჩვენ ვერ მივიღებთ ვერავითარ ხატებას.
დაიკარგება თვით ტიპი, ავტორი და მსახიო-
ბიც. ეს ჩემგან მოყვანილი მაგალითი ხომ
წარმოუდგენელი და შეუძლებელი სურათია?!
და შეუძლებელია ყოველივე ამ გვარი მოთ-
ხოვნილების შესრულება. ასეთი შეხედულობა
და მოთხოვნილება ამტიციებსუცოლი ნარობას,
საქმის გაუფერობას და საგნის ყალბ დასა-
ხას. მსახიობი უკვე იბადება ამა თუ იმ რო-
ლის დასახასიათებლად, რომელიმე პიროვნე-
ბის შესაქმნელად. სიმართლეს მოკლებულია,
ჩემის აზრით ისიც, ვითომ ტრაგიკოს შეეძ-
ლოს კომიკური როლის შესრულება. მართა-
ლია, ბევრჯელ ტრაგიკოსი თამაშობს რომელი-
მე კომიკურ როლს, მაგრამ კიბვა ამაშია:
როგორ თამაშობს? მისი თამაში ახწვეს თუ
არა იმ მხატვრულ წერტილამდის, სადამდი-
ნაც დის იგი ტრაგიკული პიროვნების შე-
ქმნის დროს? ნამდვილი ტრაგიკი—ნამდვილი
კომიკი არ იქნება და ამიტომაც ვერ შეს-
ძლებს ელემენტარულად კომიზმის გარდმო-
ცემას და თუ როგორმე შესძლო, უეჭველია,
იგი გამსჭვალული იქნება ფარული ტრაგიზ-
მით. ჩვენ თეატრალურ წრეში ბევრს ჰგო-
ნია, ვითომ ვლ. ალ.-მესხიშვილი კომიკურ
როლის ჩინებული აღმსრულებელია და საბუ-
თად ასახელებენ რასპლიუევს. განა რასპლი-
უევის როლი კომიკურია? მერე რაში გამოი-
ხატება დაბეჩავებულ და ბედისაგან დაჩა-
გრულ რასპლიუევის კომიკური მდგომარეობა?
იქნება იმაში, რომ გულ-მუცელს უბეგავენ,
ფეხქვეშ თლავენ?! ერთი შეხედვით რას-
პლირევის პიროვნება გგონიათ კომიზმით
არის აღსავ? ე, მაგრამ აბა დაუკვირდით, თუ
მის კომიზმში როგორი ტრაგიზმია დამარხუ-
ლი! და თუ მისი პიროვნება ჩვენში სიცილს
იწვევს, ეს სიცილი უნდა იყოს გოგოლის
სიცილი „СМѢХЪ—СКВОЗЬ СЛЕЗЫ.“ იმიტო-
მაც არის ჩვენი მირონცხებელი ვლ. ალ.-
მესხიშვილი რასპლიუევის როლში შეუდარე-
ბელი, რომ ტრაგიკოსმა იპოვა თავისი სფე-
რო, თავისი ადგილი, გულმა გული იცნო
და სულმა—სული და ჩასწვდა დაფარულ
ადამიანის ტრაგედიას, რომლის ზვეით მო-

ტივტივებს კომიზში, კომიზში წარმოშობილი მსუსხავ გარემოებისაგან, აჭრელეულ ცხოვრებისაგან რასპლიუევის არსებაში რომ ყოფილიყო დვილი კოზიში, მაშინ ვლ. ალ.-მესხიშვილი ვერ შესძლებდა მის ასე მხატვრულად დასურათებას, გაპროცენებას, როგორადაც ამ ჟამად ვხვდავთ. მიეცით მას რომელიმე წმინდა წყლის კომიკური როლი და ვლ. ალ.-მესხიშვილი სწრაფლ დაჰკარგავს თავის ღირსებას. მაღალი ნიჭის მსახიობი შეიქმნება უზუნებრივო და ტრივიალ მსახიობად, იგი გარდაიქცევა, უფრო ნათლად რომ ვსთქვად, ქეშმარიტ ხელოვანიდან უბრალო ხელსნად. ეს ერთი კიდევ იმის მაჩვენებელი მაგალითია, რომ მსახიობს თავის დღეში არ შეუძლიან, განურჩევლად რანაირი როლიც იყოს შეასრულოს, არ შეუძლიან იმიტომ, რომ მსახიობი არ არის მექანიკოსი, არ არის დურგალი ანუ კალატოზი, რომელსაც ბრძანებით და სურვილით გააკეთებინებთ რაიმე საგანს. მსახიობი კი არ აკეთებს, ამ სიტყვის სრულ მნიშვნელობით, არამედ ჰქმნის! იგი ხელოვანია, ხელოვანი თავისუფალი, რომელსაც განცალკევებული სფერო აქვს — მისწრაფება და ფენტაზია, თავისი ნაკარნახევი იდეები, რომელიც ასხამს თავის სულის ტემპზე და ჰქმნის ისე, როგორც პოეტი თავის შემოქმედებას, ნამდვილ მსახიობს, ვიშორებ, არა აქავს ამპლუა, მას მხოლოდ და მხოლოდ ალღო და ტემპერამენტი აქვს. მსახიობი თუ შეიძლება ასე ვთქვათ, არის ერთგვარი კონკრეტული ინდივიდუუმი.

ვ. გარნიკი.

სცენა სცენისათვის

მეზობლება

გლახუნა კვაჭაძის ქვრივი სოფიო ალაგებე მიადგა მეზობელს...

- მაქინძელო!! იაკინთე!!
- ძახილზე პატარა ბიჭი გამოვიდა.
- ვინ ხარ მქანია, რომ ძახი?! — მე ვარ, სოფიო, ნატალიე შინაა?! თუ შინა, უთხარი ერთ წამს მნახოს აქანე

ალაგებე, რაცხა საქმე მაქვს შენთან თქვა...

რო გადრხედავდი ალაგებე, თვალი გაგინათლდებოდა, ისე იყო ეზო გადამწვანებული კოლინდარით, იქაურობას წყლის ჩამური და ბეღელი ამშვენებდა.

— დილა მშვიდობისა, ჩემო სოფიო, რაა შე ქალო, დაიჭირე შენი ნახვა, ასე უნდა მეზობლობა!! რაც ჩემი ვალამაი სალდათად წეიყანეს, აღარ შეკარებო, გული ხომ არ გადაგტრიალებია, ან ხომ არაფერი გიშოვნია .. ჩამოუხვე ეოჯო კონახში .. საცაა ხარმელზე დავჯდებით, ისეთი ღორის შაშხი მაქვს გაფიცებული ღომით...

— არა, ჩემო ნატალია, ჩამოსასვლელათ სა მცალია შე უბედურს, ათასი საქმე მაქვს კისერზე .. რაცხა სათხოვნელი მქონდა და იმიზა შეგაწუხე, თვარა... შენი ქირიმე, შენ გენაცვალოს ჩემი თავი, იი შენი უფროსი გოგო ნუ მოგიკვდება და მის ბედნიერებას მოგაწიებს წმ. იაკინთეს მადლი, თუ გაქვს ნუ გმ წფილეფ და მაგიერში, ეოჯო, მართლა, მთა-მთას არ მოხატება, თვარა კაცი, კაცს ყოველთვის...

არა არ შეგაწუხებდი, მარა ამ კვირაში ერთი წვეთი რაა, სულ მოსვენება არ იციხ ჩემმა სულმა და ხორცმა. გული შეწუხებული მაქ ამ სტუმრებისაგან, დღე ერთია და იმათი მოსვლა ათასი. ასეა ყოველთვის, როცა შეიგულებენ ჩვენში ვასათხოვ ქაღოს... ხო და სა მქონდა დროი რომ დამეწვა კალა და ქიზაფი, თუმცა დეეწვა თავი ჩვენ ვაქრებს, რავა ცეცხლ მოკიდებულია ყველაფერი, გუნდა რაა, გუნდა — დარდანელიდან მოდისო... ახლა რამე ნაირად ხელი გამიწყვე და ერთი მიცხება... უმარული ჩემს თავსა ნუ გირჩენია, შენი კაი ქმარი ნუ მოგიკვდება.

ამ დროს აკაკანდნენ ქათმები, აწიწინდენ წიწილები, აღრუტუნდენ ღორები, აყფფდენ ძაღლები, ატყდა საშინელი ღრიანცელი...

— სეირო, სეირო, სეირო, ტურამ ქათამი წვილო, წვილო! იაკინთავ, იაკინთავ! სა ჯანდბაში ხარ, შენ არ გაშოსავლელო, ლურამ ქათამი წვილო, წვილო! პატარძალო, პატარძალო, ეპრაქსია — ეპრაქსია. ეი, შენ

არ გეიარე ზეით მიწას ცოცხალი, ვინცხამ შენ ჩემს ოჯახში შემოგიყვანა და დაგბუძლა, სამას სამოცდა ხუთმა მიქელ გაბრიელმა მთავარ ანგელოზმა, შეგაჩვენოს თუ არ შეგბღლო ხარხაში ტურიზა ამ დროის საწყალი ვარიე..

ვასო ურუშაძე

ქართული სახიობა

სახალხო სახლში წრემ კ. შათირიშვილის რეჟისორობით 25 ენკენ. წარმოადგინა „უმუშევარი“ დრ. 4 მოქ. ბელოსი, თ. რ. ლ. ცაგარლისა. წარმოდგენას აკლდა აღფრთოვანება, მთლიანობა. ბ-ნ. პეპანოვს ეტყობოდა როლი შეეგნო, მაგრამ მაინც სავსებით ვერ განასახიბრა ნაკისრი როლის (ეგორი) ხატება, უმთავრესად ხელს უშლიდა კლო. მეკუბოვეს ცოლიც (ბარათაშვილ) ვერ იყო შესაფერი, მას არა აქვს სასცენო გამოთქმა, მხოლოდ უკანასკნელ სცენაში იყო ბუნებრივი და სათანადო შთაბეჭდილებაც მოახდინა ე. კობახიძე შეგნებით ასრულებდა ანიუტკას როლს, მაგრამ ბუნებრივობა აკლდა. სტეფანე მეკუბოვე (ე. ნინიძე) მოისუსტებდა და ხანდისხან წაიმერულებდა. მოხდენილად შეასრულეს ქ-ნა ქიქოძემ გლაშა და ბ-ნ ა. მეტრეველმა ვასია. შეუდარებელი იყო მოჯამაგირე გერასიმეს. რომანიშვილი. ხალხი საკმაოდ დაესწრო.

სო-ლი

ბარბიუში ანუ მუხმუხილა, უკვდავი კომედია მოლიერისა და ივ. მაჭავარიანის მიერ საუცხოვო ენით ნათარგმნი, სახალხო სახლში წრემ 29 ენკენ „ზაკახით“ დაიწყო, ნ. გოცირიძემ (ორგანი) სიცოცხლე შემოიტანა, ტ. აბაშიძემ (დორინი) თვისი მაღალ ნიჭიერი თამაშით პიესას სული შთაბერა. გ. გვდევანიშვილი (ტარტიუფი) გვიჩვენა მსოფლიო ფარისეველი აიძვერას მხატვრული ხატება, თ. ნარანიძე (მარია) და ვ. ნინიძე (ვალერი.) ერთი მეორის შესაფერნი იყვნენ და განსაკუთრებით ცხოვლად შეასრულეს შესვედრის სცენა, გ. ჯაბაურა (კლენტი) და ა. მეტრეველმა (დამი) კეთილ სინდისიერად შეასრულეს თავისი როლები, მაგრამ ტლანქად ეტყობოდათ, რომ სხვის ტანისამოსში იყვნენ, რომანიშვილი-დგებუაძისამ (ორგანის ცოლი) მკაფიოდ გამოაქვეთა ბურჟუაზიულ ოჯახის ქალბატონი, ქ-ნ ბარათაშვილისა (პერნელი) სირუშის დროს უკეთესი იყო. გ. ანაშვილი (ლუილი) არ უნდა იქნებოდეს, რომ წელთა რაოდენობას გარეგნობა უნდა შეუწყოს და როდესაც სახე მკრთალი აქვს, ფაქიზ მოხელსა, შავი, ჭუჭყიანი ხელები არ შეეფერება. ამ საღამოს ყველაზე მეტი ძალა კი მოკარნახეს—მ. თუშმელიშვილს დაადგა. საწუხაროა, რომ ასეთ მშვენიერ ენით ნათარგმნი პიესის როლებს კარგად ვერ სწავლობენ; ხალხი საკმაოდ დაესწრო და ისინი აცხადებენ, მით უმეტეს, რომ წარმოდგენა აღრე გათავდა.

უსაზანო

ბაქოს დრამტიული წრე ამ ბოლო ხანებში მარად მოვიდა სათეატრო ხელოვნების გავრცელებას. უკვე 10 წ. შესრულდა, რაც ეს წრე არსებობს; მას შედენილი აქვს მრვალი ისტორიული ტანისამოსები, მშვენიერი დეკორაციები და სხვ. თუმცა საკუთარი სცენა არ მოეპოება, მაგრამ მაინც ყოველთვის დაუბრკოლებლივ მართავს ქართულ წარმოდგენებს სხვა და სხვა ადგილობრივ თეატრებში, სადაც ხალხი ბლომად ესწება და კმაყოფილიც რჩება წელსაც ამ წრემ გააბედვით დაიწყო საქმე: რეჟისორად მოიწვია ვალ. შალიკაშვილი, მსახიობ-ქალად—მ. ი. ქილარჯიშვილი და კვირას, 20 ენკენ სეზონი გახსნა „სამშობლოში“, რომელმაც დიდძალი საზოგადოება მიიზიდა. რაცა უნდა ვსთქვათ, ეს პიესა, საუკეთესოა ჩვენს ისტორიულ პიესებში, ყველაზე უფრო სცენიურია, არ არის გადაჭარბებული „პატრიოტული“, დედა აზრით კეთილშობილურია და სამართლიანადაც მოსწონს ხალხს... პიესა რამდენადაც გარეგნული მხრით იყო ლაზათიანად დადგმული, იმდენად მისი შეგნებით განსახიერებაში მოისუსტებდნენ მოთამაშენი. საერთო კოდვა გამოისყიდეს მხოლოდ ბ. ვალ. შალიკაშვილმა (ლეონიძე) და ქ-ბ. ქილარჯიშვილმა (ქეთევან) ანობაძეს. (ხიმშიაშვილი) უგულო და გაყინულმა თამაშმა ვერ დაგვაკმაყოფილა. კარგები იყვნენ ბ. აწყურელი (შაპახასი) და ქ-ბ. გელოვანი (ფაინოშ). აღსანიშნავია აგრეთვე ბ. პავლიაშვილი (გოგია) და ბ. ჯიქია (ისმაილ.)

ხალხი აუარებელი დაესწრო და ბევრიც უბილეთობის გამო უკან დაბრუნდა.

იო-ბი

ქუთაისში ბ. ბაბიქმე კვირას, 20 ენკენ. გამართა საღამო „საქართველოს ყვავილები“. პ. იაშვილმა. წაიკითხა მოხსენება საზღვარ გარეთის შთაბეჭდილების შესახებ ამის დრო. დიდხანს შეჩერდა პარიზში მომდარ ამბავთა აწყრახზე, გარდმოგვცა პირადი შთაბეჭდილებანი ლონდონის და ჩრდილოეთ ქვეყნების შეახებ. მოხსენება არ იყო პოპულიარული: მომხსენებელი ხშირად ახსენებდა ისეთ მწერლებისა და მხატვრების სახელებს, მათთან შეხვედრას და საზოგადოათ ისეთ ენით ლაპარაკობდა, რომ ხალხისთვის ბევრი გაუგებარი დარჩა. ასეთი ფორმით მოყოლილი ამბავი სასურველია ვიწრო მეგობრულ წრეში და არა მრავალ რიცხოვან საზოგადოებაში. მომხსენებელს აქვს მშვენიერი ხმა, ლაპარაკობს ლამაზად და თავისუფლად. მსახიობებმა წარმოადგინეს „სიკვდილი ნაპოლენისა“, დრ. I მოქ. დ. ჩარკვიანი გარეგნობით ნათლად მოგვავიანებდა ნაპოლენს. მომღერალმა ვ. ლორთქიფანიძემ მშვენიერად შეასრულა ქართული და რუსული იმღერები. ლიტერატურულ განყოფილებაში მოწაწილეობას იღებდნენ შალვა დადიანი. ვარ. რუხაძე. გ. ტაბიძე, შ. დადიანი აკ. ფაღავა. საზოგადოება ყველას ტაშის ცემით მიეგება, გ. ტაბიძეს მიართვეს ყვავილები. პ. იაშვილმა წაიკითხა ქართველი

ქალის, ელენა დარიანის, ლექსები, რომელთაც საზოგადოება გააკვირვებს თავის საოცრებით და გაბედულებით ამ ლექსების კითხვის დროს რამდენიმე ქალი თეატრიდან გავიდა.

თეატრი ხალხს თავსე იყო. კ.ო.

სოფ. შრომაში (სიღნაღის მახ) „შრომა-ღვინის სცენის მოყვარეთა წრემ გ. ჩიკვაიძის გამგეობით 6 ენკენ. გამართა მე-7-დე მორიგი წარმოდგენა შრომის წიგნსა ც-სამკ-თხველოს სასარგებლოდ (25% შემოსავლიდან გადაიღო დაქრილ მემობართვის). წარმოდგინეს: ს. ერთაწმინდელის დრ ეტ. I მოქ. „სიკვილილი ჩრდილოეთში“, ა. ცაგარლის „ქუჩისა მკირს“ და აკაკის „ბუტიაობა“.

თავისი დაკვირვებულ და მოხდენილ თამაშით ყურადღებას იქცევდნენ გ. ჩიკვაიძე (დათიკო, გრიკურა და არისტო), ი. ბოსტაშვილი (გიორგი, ბულდანი), ს. დონჯაშვილისა (გიორგის ცოლი), ი. ალავერდ-შვილი (გიორგი) და ქ. ქიტიაშვილისა (სოფიო). ქ-ნი ზ. მუსლივი ტიპიური იყო ბაბაღეს როლში, მაგრამ ტასოს როლში კი მოსუსტედა. ა. ვაჩნაძემ რამდენადაც დათიკოს როლი ჩაატარა უხეიროდ (მედავითანავით დააყარა), იმდენად მშვენიერი იყო სოსოში, დანარჩენები — ა. გოდერძიშვილი, ა. ტიგიშვილი და ა. ალავერდიშვილი — ნსამბლს ხელს უწყობდნენ.

წარმოდგენა გაიმართა ცის ქვეშ. ხალხი ბევრი დაესწრო და დიდად ნასიამოვნებიც დაიშალა ღამის 12 1/2 ს. წარმოდგენამ დიდი შთაბეჭდილება მოახდინა საზოგადოებაზე. ხშირად გაიგონებდით დამსწრეთა შორის: „კაცო, რა კარგი ყოფილა, თუ კიდევ გამართეს, სახლში. როგორ დავდგებო“. მადლობის ღირსნი არიან წრის ყველა წევრი და აგრეთვე მათი ხელმძღვანელი, ვუსურვებ შემდეგშიაც ჩვეულებრივი ენერგიით გაძლოლოდნენ ამ ფრად სიმპატიურ საქმეს.

რეცენზენტი

გროზნის ქართველებსაც გვეწვია თავისი უტიფრობით განთქმული „არტისტი“ გ. მჭედლიშვილი: რამდენჯერმე იყო გროზნაში, ერთხელ გამოაცხადა ქართულ წარმოდგენას ემართავ და მხარი დამიჭირეთო. აქაურმა ქართველობამაც გამოიჩინა გულუხეობა, ფულით დაეხმარა, ბილეთებიც გაუყიდეს, მაგრამ „არტისტმა“ დანიშნული წარმოდგენა ვადაღა, მეორედაც ასევე მოიქცა, ხოლო მესამედაც რა გვეწვია ჩვეულებრივ ფულების მოსაბოჭავდ, ეს-კი ვედარ მოითმინეს და ხელი სტაცეს ამ ქართული ხლოვნების მსახურთა სახელის გამტეხელს, მაგრამ როცა სასამართლოში მიიყვანეს — გაიპარა, იმვე დღეს გრიში გაეკეთებინა და გაქცეულ ყო. ზოგიერთ ვაჟბატონთა დახმარებით. როგორც გადმოგვცეს, ასეთივე „არტისტი“ გაულვარცლია მოზღოვის, კაკაიის, პეუროვისა და სხ. ქართველები. ჩვენი სცენის ქემპარტი ქურუბები გაჭირვებულნი არიან, და ასეთი გაიძვე-

რები-კი ხალხის გულუბრიველობით უხვად სარგებლობენ! ნუ თუ შეუძლებელია ამ ვაჟბატონის ალაგმვა?

ან. ძ-ლი

წვერილი ამბები

➤ **გროზნის ქართველ საზოგადოებას** განუზრახავს ამ მოკლე ხანში გმართოს ქართული წარმოდგენა აქარლების სასარგებლოდ.

➤ **კ. ირეთელის „გაღნიერი დღე“**-ს ამ მოკლე ხანში წარმოდგენენ სახალხო სახლსა და საბურთალოს თეატრში.

➤ **მ. კავსაძის მომღვაღელ-მგაღვრელთა** გუნდმა დაიწყო მოქმედება. გუნდი მოკლე ხანში დიდ სახალხო კონცერტს გამართავს სახალხო სახლში.

➤ **აჭარელთა სასარგებლოდ შესწირის** ს. შუბლაძემ-10 მ., ბ. შენგელიამ-5 მ. ლ. ჩხაიძემ-1 მ. უცნობთ-2 მ.

➤ **ხელოსანთ კლუბის** მამასახლისთა საბჭოდან გადააყენეს ბ-ნი ხარაზიანი კანჯისკარელის შეურაცხყოფისთვის, რომელმაც კლუბის ერთ ერთ საღამოზე სცენიდან წაიკითხულ ლექსში კლუბის ზნე-ჩვეულებანი გაამათრახა.

➤ **ქართული თეატრის** თანამედროვე მღვლომარეობაზე ქართ. კულტურის მოყვ. საზ-ის თაოსნობით კვირას, 4 ღვინობისთვის, დ. კასრაძე მოხსენებას წაიკითხავს.

➤ **მელის ციხეში აპაკის** სახელობის უფასო საკითხველო გაიხსნა 1 ღვინობისთვის.

➤ **სარფუხის „კლუბმა“** მღვლომარე სეზონისთვის მიიწვია სიმებიანი ორკესტრი (პრესმანის ლოტბარობით).

➤ **ახალ კლუბში** საღამო იმართება წყლიდობისგან დაზარალებულთა სასარგებლოდ.

➤ **ქართველი ძალი** მაჟამ ქრისტ. უგრედიძე, რომელმაც საზღვარ გარდ მიიღო უმულეი საექიმო განათლება, ოდესის უნივერსიტეტში გამოცკადეს და იქვე დასტოვეს ასისტენტად აბავშო კლინიკაში.

➤ **სახალხო სახლის** სცენის მოყვარეთა წრემ 27 ენკენ. გადაიხა და პანაშვილი ახლად გარდ. სცენის მოყვარის მ. ინაშვილის სულის მოსახსენებლად.

➤ **საქართველოს რუშის** გამოცემა გადასწყვიტა წ. რ. საზ-მ.

➤ **ბათუმში დაიწყო** 49 აქარელის ვასმართობა.

➤ **კ. ბალმონტი**, რუსთა ცნობილი მგოსანი თბილსს ჩამოვიდ. დღეს ლექციას წაიკითხავს „ვეფხტე“-ნის შესახებ.

➤ **ქუთაისის თეატრში** - 1 ლვინობისთვის — ზედიზედ „სინათლე“, 3 ღვინობ. „კაიუს ვრაქუხნი“.

➤ **მეზიანუკა ალ. ოგანეზაშვილმა**, რომელიც ამას წინად სამხედრო სამსახურში გაიწვიეს სტავროპოლს, 30 მარამ. მონაწილეობა მიიღო სათა-

დარიგო ბატალიონის მიერ გამართულ კონცერტში და პიანურზე დაუკრა რამდენიმე ჰანგი, რასაც დამხრატნი დიდის აღფრთოვანებით შეხვდნენ. ოვანესიანი დაეწალა, შეადგინო: სიმებიანი ორკესტრი.

სუსთა შორის

◆ **მსახიობ ქალის ვ. თ. კომისარაძე-სპანიას** ძველი პეტროგრადში აკურთხეს 17 ენკენის-ოფს, მისი სახელწოდების დღეს. ძველი ბრინჯაოსია, მარმარილოს კვარცხლიბეზე, გაკეთდულია მოქანდაკე ქალის დილოსის მიერ, მთელის ტანით.

მწიგნობრობა

აბდულ-მესიანი. იოანე შავთელისა, მ. ჯანაშვილის წინასიტუვაობით და განმარტებით, ალ. გრ. უგუზოვის გამოცემა, № 1, შეტნიერული გამოცემა, მდიდარი ასსნა-განმარტებით. წიგნს წინ უძღვის ვრცელი წინასიტუვაობა (20 გვ.), ხოლო ოფით პოემა შეიცავს 31 გვ. განსაკუთრებით ძვირფასია პოემაში ნახმარ ძველ სიტუვათა და ზოგიერთ ადგილთა განმარტებანი (25 გვ.). მოზარდ თაბასა და აგრედეგე შვილდა იმას, ვისაც ჩვენა კლასიკურა ლიტერატურის შესწავლა სწუხრდა, ეს წიგნი დიდს სამსახურს გაუწევს. წიგნი შედარებით ძვიერ იაფია (78 გვ. 25 კაპ.) და ვეფლისათვის ხელმისაწვდომი. სასურველია ასეთივე წესით გამოიცეს ჩვენ ძველ სხვა მწერელთა ნაწარმოებნი.

მესხეთი, წერილი მ. ჯანაშვილისა, ალ. გრ. უგუზოვის გამოცემა, № 2, სწორედ დროსკა გამოცემული და საჭიროა მისი გავრცელება, მით უმეტეს, რომ წიგნი შინაარსისაინა, დაზარალებულ მესხთა სასარგებლოდ დაბეჭდილი და იაფადღა დირს (23 გვ. 10 კაპ.). სიამოვნებით ვეკუბებით ბ. ნ. ალ. გრ. უგუზოვის კეთილდაწეებულებას, რომელმაც ჩვენს უწიგნობაში ასეთი მშვენიერი წიგნები (აბდულ მესიანი და მესხეთი) გამოსცა. **მწიგნობარი**

რედაქტორ-გამომცემელი ანნა იმედაშვილისა

Дозволено Военной Цензурой

სფ. ქართ. ფილარ. საზ.

სამუსიკო სკოლა სლავოვსის ძ. ზილნი-ცკის საზ. № 4. მოწაფეთა მიღება 10—2 ს.-მდე დღისით და 5—7 ს.-მდე საღამოთი სკოლის კანტორაში. სწავლის ფასი: ფორტეპ. 70 მ., წელიწადში, სკრიპკა 75 მ., ვიოლონელი—65 მ., კონტრაბასი—50 მ სიმღერა 100 მ., თეორიის კლასები—15 მ. სწავლის ფასი ნახევარ წლობით წინდაწინ.

Типография „Сорапань“

ხარუსის საზ. კლუბი მიხეილის პრ. № 131

საუცხოვო საზაფხულო როტანდით, სცენით და მშვენიერი, ელექტრონით განათებული ბალით დასაწყისი საღამოს 8 1/2 საათზე.

შესავალი ფასი: მამაკაცი იხდიან,—30 კ.კა-ლები და სტუდენტები—20 კ. წარმოდგენა იწყება 9 საათზე, სინემატოგრაფი—8 1/2 ს., საბავშვო საღამო—5.—9 ს.

ჩვეულებრივ ვასწავლი ქართულ სიმღერა—გალობას

— და ვამზადებ მომღერალ-მგალობლებს მუდმივ გუნდისათვის, ლის მიწვევა ეკლესიებში და კონცერტებზე, ახალ წევრების მიღება-ჩაწერა იკითხეთ

მიხეილ ქავსაძესთან

(ჩუღურეთის წმ. ნიკოლოზის ეკლესიის სკოლის შენობაში, ორშაბათ., ოთხშაბათ და პარასკეობით საღამოს 6—9 ს.-დე). როგორც ახლებს, ისე ძველ ჩვენს გუნდის წევრთ ვთხოვ მობძანდნენ აღნიშნულ დღეებს.

ვასწავლი მუშა ხალხსაც.

ნომრები „ავრორის“

ახლად შეკეთებული, საუცხოვოდ მოწყობილი, სუფთა, ელექტრონის სინათლით ქალაქის შუაგულს, ვორონცოვის ძეგლთან. ნომრები ოთხი აბაზიდან. ნომრებში სმზარეულა, ცხელი და ცივი წყლით (ღუში და ვანა). თბილისი, მიხეილის პრ. № 5. ტელეფ. 13—14 (წ)



პროდუქტის ახლოდღიანისა ბუთისა და გავლენის პრ. კუთხე. სამხედრო ქ. და გავლენის პრ. კუთხე.

სტამბა „სორაპანი“